


明 武 267
號 卷 1

文政戊寅歲夏開彫

鹿里伊藤先生著

傷寒論張義定本

東都 書肆逍遙堂發行



傷寒論張義定本序



予以謂近世解傷寒論者有五難
焉。本論經舛和撰次章句次序不
復仲景之舊。摻雜之文與原文混
溜。渾已合。不特玳瑁之混珠玉也。冰
有易牙之識。離朱之明。不可得辨
也。是其難一矣。有一章分為二三

者。有二。三合爲一章者。章句脫句。
有剩句。有誤文。有衍文。非精詣絕
識。密察文理者。不可得知也。是其
雖二矣。古今異風。南北殊俗。人仁
得病。亦復然矣。本論所說。驗之於
今日。疾病有吻合符同。不差毫黍
者。有以方枘圓鑿。不相入者。又有

半合而半離者。解者不得其理。則
使人棄而背馳。如謂古方無益。今
病是也。是以明達事理。洞曉古今者。
不可得通也。是其難之矣。宋明注
者。多泥陰陽五行之說。眩六經表
裏之名。其所解釋。迂濶誕漫。輾轉
繚繞。不易剖判。使人望洋之歎。

爲一入其學。則束縛終身。是其難
四矣。近世解者。廢五行空理。棄傳
經腐說。刪撓雜之章。左附會之文。其
所辨說。頗屬痛快。雖然。師心逞臆。
不式古訓。各成一家。張皇門庭。使
人有專妄之謫焉。一入其學。則沒
在狂肆。是其難五矣。信濃門人伊

藤大助。一時高士也。家世農商。至于
大助。種學績文。肱枕經史。旁好醫
術。悅仲景之論。鑽研多年。宋元明
清諸家注解。莫不講究也。後遊京
師。習近世諸家之學。能窺其閭奧。
既而有所自得。廢先之所學。蓋其
所爲。不概古今注家。直就論文。叅

互錯綜得古人立言之意矣。於是乎。援雜附會之語。脫誤訛衍之文。皆無所逃其落鑒焉。試之患者。莫不符合也。予所謂五難。莫不渙然冰釋也。豈不亦偉乎。頃發其蘊。著傷寒論張義。蓋取於高攀龍春秋孔義。廢注家之妄。而直得張氏之原

義也。今先刊其本文。以弘播寰區。必鑒或當有與予同賞音者焉。予昔過信濃。悅其山川雄峙峻流。意者常有瑰偉之士出焉。大宰德夫。內藤希哲之後。寥々乎無聞者。何耶。今也有一大助出焉。則後進之士。又當有繼而興者焉。嗚呼。山水英靈之氣。

鬱然塞煥然發。又各有其時乎。

文化十四年丁丑臘月

錦城老人加賀大田元貞寸佐撰



董齋天文進書



沖庵年鑄

傷寒論張義定本序

傷寒論張義者何也。主張張仲景之原
素也。原義者何也。是原張仲景之論
意而非并和撰次之義也。張仲景之論
論治法之順逆。以示萬世之矩矱。其至
并和撰次。或以病名類。或以證類。或以
方法類。以類比次。而治法之順逆紊焉。

作者原義昧焉。今試辨之。并和撰次。以
桂枝加葛根湯。次桂枝湯者。是以方類
也。張彖則不然。桂枝加葛根。當次葛根
湯。何以知之。葛根云。項背強几几。加葛
根。亦云。項背強几几。而以無汗與汗出
別其證。而異其治。是其證一也。并和撰
次。以葛根黃連黃芩湯。次葛根加半夏

湯者。是亦以方類也。張彖則不然。葛根
黃連黃芩湯。設下後之備。故云。醫反下
之。如以證比類。則當在豎反下之中。如
以方比類。則是瀉心湯之類也。何以知
之。三黃之中。有二黃也。是其證二也。并
和撰次。以太陽病下之後。其人氣上衝
者。可與桂枝湯。章次。桂枝加葛根湯者。

是亦以方類也。且欲會集桂枝諸方於上編也。張義則不然。是亦論下後之治。如葛根黃連黃芩湯之類。是故其所論之辭。與桂枝湯之證不類。張仲景原義。在桂枝去芍藥湯之上者。以其證繫裏與否。序之直指其部位。而曰胸滿者是。繫裏也。曰其人氣上衝而不指其部位。

者是。未繫裏也。繫否之異。則前後之序。毫不可紊。是其證三也。并和撰次。有割裂一章。為二為三者。如二陽併病。太陽初得病。狀發其汗。汗先出不徹。章與二陽併病。太陽證罷。但發潮熱。章是本一章。撰次割裂。以為三章。何以知之上曰。太陽病證不罷。下曰。太陽證罷。又上曰。

不可下。下之為逆。下曰下之則愈。喚應承接不可支離。撰次以曰轉屬陽明。以上置陽明篇。傷寒發熱無汗。嘔不能食之前者。為類轉屬陽明四字也。又以以脉瀯故知也。以上置太陽篇。太陽病脉浮緊。身無汗。自汗者。愈之次者。為類發汗二字也。又以太陽證罷。但發潮熱。以

下置陽明篇。三陽合病。腹滿身重。之次者。為類識語二字。與合併病名也是其證四也。又如太陽少陽併病。心下鞭。頸項強而眩。章與太陽少陽併病而反下之章。是亦本一章。撰次割裂以為二章。何以知之。此則曰慎勿下之。彼則曰而反下之。成結胸。是其文接屬不可割裂。

傷寒論卷之六
撰次。截慎勿下之。以上以置太陽與少陽合病。自下利之前者。為類合併二字也。斷而反下之。以下以次傷寒五六日。嘔而發熱者。之後者。為類結胸二字也。是其證五也。此章原義在太陽與少陽併病。頭項強痛之下。何以知之。彼則曰心下痞鞭。此則曰心下鞭。彼曰頭項強

痛。此曰頭項強。彼曰眩冒。此曰眩。其下禁戒之辭。彼則曰慎不可發汗。發汗則識語。此則曰慎勿下之。而反下之。成結胸。是亦前後喚應不可隔絕。撰次隔二十餘章者。為類如結胸三字也。是其證六也。蓋本論經叔和撰次。原義昧焉。治法紊焉。後之學者。非不尸祝張仲景也。

唯其所解就撰次類聚之本求之是其所以不得治法原義也予自少時好讀此書潭思專精耽廢寢食就先覺而心焉訪同志而講焉積習之久恍然如有所自得自謂有得張仲景原義焉曰著此書經年十五易稿二十有餘今也其功略成乃先刊其定本以示同好其

志一在主張張仲景原義焉如夫欲知其詳者有張義之在焉同好之士求之於此則可矣

文化十四年丁丑仲冬二十五日

信濃 伊藤大助撰



芳水真逸任書



凡例

一原本者即香川秀庵所刻之傷寒論也所以然者以携持之便藏之者多也雖然讀之而文義不穩當者併讀宋板傷寒論玉函經脈經千金方同翼方外臺祕要而從其穩當者矣此以達意為主也又讀之而覺其有闕脫則私補焉其補也有徵者徵焉如無徵者援他例而辨之又讀之而其字有不可不改者私改焉其辨亦如前矣

傷寒論者自成一家體裁而無他可比焉叔和撰次之時以他意補綴者許多也余於此舉也擇關係其大體者不然刪焉其他刪者後人註文混淆者也其取捨詳審有刪補辨義之在焉

一傷寒論者論也論者辨也其辨在于懲既往而戒將來焉故詳辨別之先令知其物而待物之來矣由是通曉其所設之意味則臨機應變而其用無窮盡矣余欲示其首繁標點

於其字眼學者就之求其義則十五六得若欲知其詳有張義之在焉

一作者自序有雜病論之名而無金匱要略之名故余溯其本原推究其文義而別自編雜病論未刊行焉

一先哲既定編次者必舉叔和之次叙其當刪去者必標而別之余否者讓于原本也何故彼本而此末也若欲觀其舊者就彼而尋此則兩全矣

一仲景氏之自序夫天布五行以下余斷以為
辨脈平脈之序矣蓋辨脈平脈及余以為其
序者其文體辭氣與本論不類也故刪而不
取焉

伊藤大助識

傷寒雜病論張義定本

漢 南陽 張機述

論曰怪當今居世之士曾不留神醫藥精究方
術以養其生但競逐榮勢企踵權豪孜孜汲汲
惟名利是務進不能愛人知人退不能愛躬知
已卒然遭邪風之氣嬰非常之疾降志屈節欽
望巫祝賣百年之壽命持至貴之重器委付凡
醫恣其所措咄嗟嗚呼徒為啼泣痛夫舉世昏

迷莫能覺悟、不惜其命、若是輕生、哀乎、趨世之士、馳競浮華、不固根本、忘軀殉物、至於是也、余宗族素多、向餘二百、建安紀年以來、猶未十稔、其死亡者、三分有二、傷寒十居其七、感往昔之淪喪、傷橫夭之莫救、乃勤求古訓、博采衆方、爲傷寒雜病論、合十六卷、雖未能盡愈諸病、若能尋余所集、思過半矣

傷寒例

陰陽大論云、冬時嚴寒、萬類深藏、君子固密、則不傷於寒、觸冒之者、乃名傷寒耳、其傷於四時之氣、皆能爲病、而以傷寒爲毒者、以其最殺厲之氣也

小人觸冒、必嬰暴疹、湏知毒烈之氣、留在何經、而發何病、詳而取之

凡人有疾、隱忍冀差、以成痼疾、時氣不和、便當早言、患人忍之數日、乃說、則難可制、此爲家有

患脩慮之要

凡作湯藥不可避晨夜如或差遲病即傳變雖欲除治必難為力服藥不如方法不須治之凡發汗其方雖言日三服若病劇當促其間若與病相阻一日一夜服一劑病證猶在故當復服之

凡得病至五六日而渴欲飲水飲不能多不當與也何者以腹中熱尚少不能消之也至七八日大渴欲飲水者與之常令不足勿極意也若飲而腹滿小便不利若喘若噦不可與之忽然大汗出是為自愈也

凡得病反能飲水此為欲愈之病其不曉病者但聞病飲水自愈小渴者乃強與令飲之因成其禍不可復數

凡得病厥脈動數服湯藥更遲脈浮大減小初躁後靜此皆愈證也

傷寒論張義定本卷上

漢張仲景著

晉王叔和撰次

日本信濃伊藤大助藤原祐義重編

辨太陽病脈證並治法上

太陽之為病脈浮頭項強痛而惡寒

右一章辨疾病起於腠表之脈證、

太陽病頭痛發熱汗出惡風者桂枝湯主之

太陽病頭痛發熱惡風無汗而喘者麻黃湯主之

太陽病項背強几几無汗惡風者葛根湯主之

太陽病項背強几几反汗出惡風者桂枝加葛根湯主之

右四章分前證以辨其治法、

太陽病發熱惡寒脈微弱者此無陽也不可發汗

太陽病未解陰陽脈俱停必先振慄汗出而解

右二章以脈辨不可發汗與不待發汗自然解之義、

太陽病脈浮緊無汗發熱身疼痛八九日不解

表證仍在此當發其汗服藥已微除其人發煩目瞑劇者必衄衄乃解所以然者陽氣重故也

麻黃湯主之

太陽病得之八九日如瘧狀發熱惡寒其人不能清便欲自可脈微緩者為欲愈也

太陽病十日以去脈浮細而嗜卧者外已解也脈但浮者與麻黃湯

右三章辨外證數日不解者為欲愈者外已解者不解仍在者之治法

太陽病不解轉入少陽者脇下鞭滿乾嘔不能食往來寒熱尚未吐下脈沉緊者與小柴胡湯若已吐下發汗溫鍼柴胡證罷此為壞病知犯

何逆以法治之

太陽病過經心下溫溫欲吐而胸中痛大便反溏其人腹微滿鬱鬱微煩先此時有極吐下者與調胃承氣湯若不爾者不可與但欲吐而胸中痛微溏者非柴胡證

太陽病過經反二三吐下之後四五日柴胡證仍在者先與小柴胡湯吐止少安其人心下急鬱鬱微煩者為未解與大柴胡湯下之則愈

右三章辨外證轉變入於內之脈證及醫施

不當之治、而作壞病、其證罷者、不罷仍在者、之治、

太陽病不解、熱結膀胱、其人如狂、其外不解、尚未可攻、當先解外、外解已、但少腹急結者、乃可攻之、宜桃仁承氣湯

太陽病六七日、表證仍在、脈微而沉、反不結胸、其人發狂者、少腹當鞭滿、小便自利者、下血乃愈、所以然者、以太陽隨經瘀血在裡故也、抵當湯主之

太陽病身黃、臌沈結、少腹鞭、小便不利者、為無血也、小便自利、其人如狂者、血證諦也、抵當湯主之

右三章辨雖有轉入之證、其外不解者、尚未可攻、先解其外、順直欲攻其內、則逆之義、與不拘表證仍在、據脈以決轉入、分其部位、斷其嫌疑、攻之可也之理、

以上為一段

太陽與少陽併病、頭項強痛、或眩冒、時如結胸

心下痞鞭者慎不可發汗發汗則譫語
太陽少陽併病心下鞭項強而眩者慎勿下
之而反下之成結胸

右二章辨太陽與少陽俱病而其治主少陽
之義

太陽與陽明合病必自下利葛根湯主之不下
利但嘔者葛根加半夏湯主之

太陽陽明合病喘而胸滿者不可下宜麻黃湯
右二章辨太陽與陽明俱病而其治主太陽

之義

太陽與少陽合病自下利者與黃芩湯若嘔者
黃芩加半夏生薑湯主之

陽明與少陽合病必下利脈滑而數者當下之
宜大承氣湯

三陽合病腹滿身重難以轉側口不仁面垢譫
語遺尿發汗則譫語甚下之則額上生汗手足
厥冷若自汗出者白虎湯主之

右三章辨太陽少陽與陽明少陽與三陽俱

合病者其治若主少陽若主陽明若不主太陽陽明之義

以上為一段

太陽病當惡寒發熱今自汗出不惡寒發熱脈細數者以醫吐之過也

太陽病當惡寒今反不惡寒不欲近衣此為吐之內煩也

右二章辨脈證及其正者由吐而然之義也太陽病其人發熱汗出復惡寒不嘔但心下痞

者此以醫下之也如其不下者病人不惡寒而渴此轉屬陽明也小便數者大便必硬不更衣十日無所苦但以法救之心下痞按之濡其脈浮者大黃黃連瀉心湯主之心下痞而復惡寒汗出者附子瀉心湯主之

太陽病二三日不能卧但欲起者心下必結脈微弱者此本有寒分也而反下之必作結胸復下之此作協熱利也

右二章辨推反其正之證因佗醫下之者及

變陽明者隨其脈證而治之義又下不可下之證則作壞病之理

太陽病外證未解者不可下下之為逆欲解外者宜桂枝湯

太陽病外證未解脈浮弱者當以汗解宜桂枝湯

右二章辨汗煩下逆之義及以汗解有桂麻之殊異之義

太陽病脈浮而動數頭痛發熱微盜汗出而反

惡寒者表未解也鑿反下之動數變遲膈內拒痛短氣躁煩心中懊惱則為結胸大陷胷湯主之若不結胷但頭汗出餘處無汗小便不利身必發黃

太陽病鑿反下之因爾腹滿時痛者桂枝加芍藥湯主之大實痛者桂枝加大黃湯主之

太陽病鑿反下之利遂不止脈促者表未解也喘而汗出者葛根黃連黃芩湯主之

太陽病外證未除而數下之遂利下不止心下

痞鞭表裏不解者桂枝人參湯主之

右四章辨下不可下之證而作壞病有輕重之義

太陽病下之脈促不結胃者此為欲解也

太陽病下之微喘者表未解也桂枝加厚朴杏仁湯主之

右二章辨雖鑿下不可下之證其壞微而將解者及其表仍未解者之治法

太陽病下之後其人氣上衝者可與桂枝湯若

不上衝者不可與之

太陽病下之後脈促胸滿者桂枝去芍藥湯主之若微惡寒者桂枝去芍藥加附子湯主之

右二章辨下後結滯微者之治法

以上為一段

太陽初得病時發其汗汗先出不徹因轉屬陽

明續自微汗出不惡寒若太陽病證不罷者不可下下之為逆太陽證罷但發潮熱手足絳絳

汗出大便難而譫語者下之則愈宜大承氣湯

太陽病以火熏之不得汗其人必躁不解必清血

太陽病二三日而燒毛燹其背大汗出躁煩必發譫語振慄自汗出者此為欲解也

右三章辨以若藥若火若燒毛發其汗轉屬陽明者不轉屬而表證仍在者又由是作壞病者解者證及治

太陽病初服桂枝湯反煩不解者先刺風池風府卻與桂枝湯則愈

服桂枝湯大汗出脈洪大者與桂枝湯如前法服桂枝湯大汗出後大煩渴不解脈洪大者白虎湯主之

服桂枝湯仍頭項強痛翕翕發熱無汗心下滿微痛小便不利者桂枝去桂加茯苓白朮湯主之

右四章辨與發汗劑之消息及後證之治法太陽病發汗後煩躁不得眠欲得飲水者少少與飲之若脈浮小便不利微熱消渴者與五苓

散消渴小便反多者腎氣丸主之

發汗後飲水多必喘以水灌之亦喘

發汗後水藥不得入口為逆若更發汗必吐下不止

右三章辨發汗後之證及治法

太陽病發汗太多因致瘕不可更發汗

發汗多若重發汗者亡其陽譫語脈短者死脈自和者不死

發汗多亡陽譫語者不可下與柴胡桂枝湯和

其榮衛以通津液後自愈

亡陽大便鞭者下之則必清穀腹滿

右四章辨發汗過度者之消息

太陽病三日已發汗若吐若下若溫鍼仍不解

者此為壞病觀其脈證知犯何逆隨證治之

太陽病三日發汗不解蒸蒸發熱者屬胃也調

胃承氣湯主之

太陽病發汗汗出不解其人仍發熱心下悸頭

眩身瞤動振振欲辟地者真武湯主之

太陽病發汗遂漏不止其人惡風小便難四肢微急難以屈伸者桂枝加附子湯主之

太陽病鑿發汗遂不解仍發熱惡寒日復下之心下痞復加燒鍼因胃煩面色青黃脣潤者難治其色微黃手足溫者易愈

太陽病重發汗而復下之不大便五六日舌上燥而日晡所小有潮熱從心下至少腹鞭滿而痛不可近者大陷胃湯主之

太陽病若吐若下若發汗微煩小便數者與小

承氣湯和之則愈

右八章辨汗吐下而不解之證及治法

太陽病先發汗不解而復下之其脈浮者不愈浮為在外而反下之故令不愈當須解其外外解則愈宜桂枝湯

太陽病先下之而不愈日復發汗其人因致冒胃家汗出自愈所以然者汗出表和故也若可下者得表和然後復下之

右二章辨觀其脈證知犯何逆之義

本發汗而復下之此為逆若先發汗治不為逆
本先下之而反汗之此為逆若先下之治不為逆

本以下之故心下痞與瀉心湯痞不解其人渴而口燥煩小便不利者五苓散主之

右二章辨治之順逆及隨證治之之義

以上為一段

總計四段為一篇

傷寒論張義定本卷上終

